



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 17. Concilium Iconoclastarum.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

docuit, omnesque se consulentes ad SS. Sæculum XI.
A. C. 815.
 imaginum cultum exhortatus est.

Novus Patriarcha Theodotus ordinatus est in die Paschæ prima Aprilis anno octingentesimo decimo quinto, & annis sex hanc Sedem tenuit. Quamprimum Palatii Patriarchalis possessionem adiit, coepit lautissima celebrare convivium, atque Clericos, Monachos, Episcopos, qui a puero abstinuerant a carnibus, ad eas manducandas compulit. Amandata modestia & gravitate, quæ prius hanc domum commendabant, risus, lusus, luctationes, scurrilia & sermones obsceni successerunt.

§. XVII.

Concilium Iconoclastarum.

Peractis Festis Paschalibus jubente Leone Imperatore Concilium Iconoclastarum & Episcoporum, qui perterriti cesserant, in Ecclesia S. Sophiae congregatum, cui novus Patriarcha Theodotus cognomento *Cassitera* præerat. Voluit quoque Imperator, ut filius suus Symbatius, quem Constantinum appellavit, Concilio adesset, ne si ipse adiret, Doctrinam illi, cui Imperium suscipiens subscripserat, contrariam approbare cogeretur. Abbates Constantinopolitani ad Synodum vocati data Epistola, quam S. Theodorus Studita nomine omnium

D 4

scripsit,

Sæculum IX. scripsit, absentiam excusarunt. Summa
 A. C. 815. eorum quæ scripserat fuit: *Canones pro-*
 Lib. II. ep. I. *hibent, ne quidquam de causis Ecclesiasti-*
cis præsertim de quæstionibus ad Fidem
pertinentibus sine Episcopi nostri consen-
su decernamus. Quapropter, licet bis a
vobis vocati, non ausi sumus aliquid mo-
vere, cum sub potestate Sanctissimi Pa-
triarchæ Nicephori simus. Ceterum no-
vimus, eo consilio hanc Synodum congre-
gari, ut Concilium secundum Nicenum
infringatur, & adoratio SS. Imaginum
probibeatur. Quamobrem declaramus,
nos in ea fide esse, quam omnes Ecclesiæ
sub Cælo tenent, & adorare Sanctas Ima-
gines. Non solum secundo Concilio Ni-
ceno, sed universæ Traditioni scriptæ &
non scriptæ a tempore adventus JESU
Christi in hæremus. Doctrinam contra-
riam non recipimus, etsi (quod impossibi-
le factu) Petrus aut Paulus aut Ange-
lus de Cælo descendens eam afferret, &
parati sumus ultima pati potius quam no-
stram abjicere.

App. ad The. Duobus Monachis, qui hanc Episto-
 p. 442. vit. lam Concilio reddiderant, haud perfun-
 S. Niceph. n. ctorie dedolatis, initium Sessioni primæ
 73 Sup. Lib. datum est. In ea Fidei Definitio Con-
 XLIII §. 7. cilio in Blachernis sub nomine septimæ
 Theod. II. Synodi Auctoritate Constantini Copro-
 p. 15. nymi celebrati lecta est, & confirmata,
 legitimum vero Concilium septimum &
 Patriar-

Patriarchæ Orthodoxi anathematizati. Sæculum IX.
 Secunda die sistuntur in Concilio aliquot A. C. 815.
 Episcopi Catholici, quos Iconoclastæ facilius flecti posse speraverant. Primum dilaceratis eorum Sacris vestibus in Ecclesiæ januis velut captivi exspectare jubentur, trahuntur deinde in medium Conventus, & ex mandato Præsidentum stare coguntur; offertur vero singulis sedes, si modo sententiam suam abjicere vellent. At eosdem in Confessione Fidei Catholicæ & veneratione Imaginum firmos experti, imperant Episcopos terræ affligi, quorum colla obvii quique proculcant. Erectos postea averso gradu recedere compellunt, inspuunt, pulsant vultus, & capita pugnis tundunt, ita ut aliqui proprio cruore perfunderentur. Tandem militibus traditi in custodiam deducuntur. Dimissis Episcopis Abbates ex celeberrimis Monasteriis introducuntur, qui nec blanditiis nec minis victi, & ipsi in diversos carceres mittuntur. Sessioni secundæ Acclamations pro salute Imperatoris & filii eius & Anathematismi contra Principes Catholicorum finem fecerunt. *vit. S. Nicet. c. 6.*

Fidei postea suæ Confessionem ediderunt, cui primus Imperator juvenis & deinde reliqui omnes subscripserunt. Ita solutum est hoc Concilium.

D 5

Ita

Sæculum IX.
A.C. 815. Itaque secundum ejusdem Concilia-
buli Decretum omnes Ecclesiarum pictu-
ræ calce illitæ delentur, stentibus ple-
rumque illis servulis, quibus invisum o-
pus imperatum erat. Confringuntur
Vasa Sacra, ornamenta minutatim con-
scinduntur, cæduntur securibus effigies
in ligneis tabulis depictæ & in foro pu-
blico concremantur. Aliæ imagines ad-
hibito luto & unctioibus fœtentibus
corrumpuntur, in odium odorum, qui
antea in earum honorem incendebantur.
Profani homines res Sacras impune con-
tingebant, quas ipsis aspicere non erat
licitum. Ex eo tempore persecutio in
Catholicos præsertim Clericos & Mona-
chos recrudit.

§. XVIII.

*SS. Episcopi persecutionem pa-
tiuntur.*

Combef. to. 2
Auct. p. 1038
Conc. sept.
act. 1. Inter Episcopos, qui in hac persecutio-
ne pressi sunt, fama celeberrimos red-
didit Michaellem Synnadensem, & Theo-
phylactum Nicomediensem, Discipulos
Tarasii Patriarchæ, qui eos e Monaste-
riis evocatos Metropolitæ ordinaverat.
Michael inter Metropolitæ Concilio U-
niversali septimo interfuit, missusque in
Occidentem ab imperatore Michaelle
Sup. Lib.
XLV. §. 23. eadem protectione Epistolam Synodicam
Nice-